



Universitätsbibliothek Paderborn

**Conversio Peccatoris, Seu Modus quo Peccator
communiter resurget ad justitiam.**

Lefelon, Antoine

Bruxellis, 1675

Vtrum Confessarius interrogare poßit de consuetudine, & an hic teneatur
respondere.

urn:nbn:de:hbz:466:1-9433

ut duobus hisce necessariis mediis in-
structus , quavis occasione , & quovis
tempore auxiliante Domino remissio-
nem peccatorum & salutem animarum
suarum consequi possit. Datum Bru-
xellæ die vigesima sexta Martii anno
Domini millesimo sexcentesimo tri-
gesimo septimo.

Decretum istud alio suo Decreto in-
seruit ac denuo servandum proposuit
Amplissimus Dominus Amathus Coria-
che ejusdem Sedis Archiepiscopalis ibi-
dem vacantis Vicarius Generalis , Anno
Domini millesimo sexcentesimo sexage-
simō septimo , die vigesima octava Apri-
lis , & iterum anno seq. die 23. Julii.

C A P U T X V I I .

*Vixum Confessarius interrogare possit de consue-
tudine , & an hic teneatur respondere.*

NEgat Appendix num. 276. di-
citquè in eo confessarium limi-
tes fori sui & tribunalis excede-
re : imo inquirenti confessario , ait num.
127. Responsionis brevis , pœnitens non
tenetur ad hoc respondere. Negaverat
id ipsum jam prius Joannes Sancius , ad-
dens

pieta-
perfecte
stitione,
e inci-
lis sub
spiritu
a gra-
ari nisi
onem,
m Dei
ii novi
us ite-
e , sed
nomi-
æ ple-
Spiri-
, non
, sed
lilexit
ngui-
a mala
pulus
magis
icato-
is oc-
atura,
s , ut
(fine
test)
, ut

dens posse pœnitentem licet uti æquatione & consuetudinem negare. Verum graviter displicuit hæc ejus Doctrina Cardinali de Lugo è Societate JESU Theologo: dixitque id esse contra omnes Theologos, contra praxim Ecclesiæ, & contra finem hujus Sacramenti,

De Sacram. pœnit. sect. 10. n. 173. Itaque affirmativa pars propositæ quætionis cum dicto Cardinali tenenda est, quam sic probat: *Quia scilicet Confessarius cum sit judex & medicus, habet jus ad interroganda illa quorum notitia necessaria est ad utilem correctionem vel pœnitentiam imponendam: quare sicut diversam pœnitentiam debet imponere profumo centum millium aureorum, quam pro furto unius aurei, & ideo potest illam circumstantiam interrogare; sic multi magis oportet cognoscere statum pœnitentis in ordinem ad consuetudinem præteritam, ut sciat quænam medicina sit illi hic & nunc applicanda, & an indigeat dilatatione absolutionis, ut hoc tandem modo curetur.*

Nec hoc est cogere pœnitentem ad confitendibus eadem peccata, nam in hac secunda confessione, non dat pro materia confessionis consuetudinem præteritam, nec de illa se accusat, sed explicat illam indirectè ad declarandum statum suum & indigentiam presentem, quâ ratione non est novum obligari aliquando pœnitentem ad declaranda iterum peccata, de quibus antea confessus

confessus fuerat , & assignatis quibus-
dam casibus in quibus & aliis multis indi-
recte oportet , inquit , declarare peccatum
præcedens ad confessionem peccatorum præsen-
tium , in quo nulla est difficultas , nec propterea
excusari debet pœnitens ab explicanda consuetudi-
ne præterita , quando legitimè interrogatur à
confessario in ordine ad medicinam applicandam
pro peccatis præsentibus ; alioquin sequerentur
gravissima inconvenientia , si aliquis per viginti
annos concubinam quotidie invisens , semper in
confessione diceret , se illâ solâ vice cum ipsa pec-
casse . Quid hoc turpius excogitari posset , &
magis contra finem & reverentiam Sacramenti ?
Hæc ille , singula diluens , quæ nunc ite-
rum movit Appendix .

Intelligit hæc Lugo etiam tum proce-
dere , cum jam pœnitentem Confessarius
æstimat ritè dispositum , ut nempè tam-
quam medicus congruam possit ei medi-
cinam apponere . Multò itaque magis id
fieri necesse est , ut tanquam judex præ-
sentem ejus dispositionem , an legitima sit
valeat dijudicare : non enim cæco assen-
su , uti superiùs est probatum , pœnitentis
assertioni à Confessario est annuendum ,
sed singula attendenda sunt , ut ex omni-
bus prudens judicium formetur : multum
autem ad hoc judicium præterita confert
consue-

consuetudo ; partim quia, ut ostensum est, peccator ægrius, quod magis peccatis est inveteratus, convertitur ; ac per hoc ex præterita consuetudine magnum præjudicium sumitur, ut non tam facile dum se conversum dicit, nisi alia concur-
rant, illi possit credi. Imo qui commu-
niter cadendi ac relabendi vices alterant,
habere oportet de conversione suspectos,
ut proinde nisi dignis pœnitentiæ fructi-
bus perfectius se nunc pœnitere probave-
rint, absoluto judicio prudenter à Con-
fessario illis nequeat assentiri,

Reg. Brev. Partim etiam quia, ut notat S. Basilius;

Resp. 20. Animus qui peccato assuetus est ad illud plerum-
que solet esse proclivior; Et consuetudinis vin-

Serm. 25. culis irretitus, ait Aëlredus, in omnibus
in Isai. debilis & inermis, & quasi fæmineus invenitur.

Hinc multæ sunt illi proximæ peccati
occasiones, ut dici solent, per accidens,
quas nisi præ cœteris vitare disponat, le-
gitime non convertitur, nec veræ pœni-
tentiæ habet propositum, quæ supposito
præteriorum dolore, & displicentiâ ju-
xta Chrysosthomum : ea demum est ne am-
plius peccemus : Hac autem ex parte non
rarus est defectus : cum enim ejusmodi
occasiones per se malæ non sint, nec
communiter ab aliis vitandæ, sæpe nec
ipsis

ipsis quibus ex sua indispositione proximæ sunt , vitandæ apparent : & lapsus quos hac ratione committunt , propriæ infirmitati ascribunt , sufficere existimantes si eam agnoscant & confiteantur , aut etiam optent sublatam . Hoc non satis esse , pluribus jam ante monstratum est , nisi quis & satagat ab hac sua infirmitate curari , ac sibi caveat quantum necesse est , nè peccati recidivum patiatur . Ad veram etenim pœnitentiam , ut cum Chrysostomo dicam ; Oportet & operibus & animo ibidem . omni scelere vacuum esse , & vulneribus contrarium adserre medicinam .

Quis verò hac ex parte defectus subsit , & quæ pœnitenti necessariò ut verè pœniteat assumenda sunt remedia , quantum se debeat cavere , communiter Confessario innotescere non potest , consuetudine ac per hoc interioris morbi ejus magnitudine ac diuturnitate ignoratâ . Tanti hæc æstimabat Alexander Alensis , cui multùm tribuit Appendix Auctor , P. 4. q. 13. eumque non uno loco Doctorem dicit a. 4. §. 3. irrefragabilem , ut cum resolvisset non teneri quempiam singulis annis universaliiter singula peccata , nempè aliàs legitimè confessa , confiteri ; subjungat tamen : Si autem singulis annis pateretur recidivum , & cum

cum hoc toties mutaret Confessorem , existim
quod tenetur ; sed si sollicitè & dignè faciat quis
penitentiam de peccatis quæ commisit alias
confessis , non tenetur ad annualem confessionem
de eisdem : si autem quandoque vellet , qui habe-
ret curam animæ suæ , quòd confiteretur sibi ge-
neraliter , ut magis diligenter agnosceret vultum
pecoris sui , & illi confiteri præciperet , credo
§. 4. quod deberet obedire. Et §. sequenti , quæ-
stionem proponit , An pœnitens quoties
recidivat , toties peccata præterita repetere
habeat ? Cui respondet : quòd quædam
opinio fuit , quod non oportet confiteri nisi
peccatum quod noviter perpetravit , & hoc nimis
videtur conscientias ampliare. Et factâ qua-
dam inter priorem , cui pœnitens confes-
sus fuerat , & novum Confessarium di-
stinctione ; si confiteatur , inquit , alicui no-
vo Sacerdoti tenetur omnia confiteri , sive perege-
rit penitentiam de illis sive non : quia nec aliter
vultum pecoris ipse cognoscet : per mores enim
præteritos potest quis discernere statum hominis
defuturo: quomodo scilicet ipsum habeat regere.

Hæc ille irrefragabilis Doctor , cui si
Appendix refragari nolit , non Manudu-
ctionem , sed se in his quæ protulit , de-
bet reprehendere.

C A